



UNIVERSITÄTS-  
BIBLIOTHEK  
PADERBORN

**De Ivre Ac Potestate Romanorum Pontificum,  
Imperatorum, Regum ac Episcoporum**

**Alvarez Guerrero, Alfonso**

**Coloniae Agrippinae, 1586**

**VD16 A 2069**

De prestantia sanctissimorum Episcoporum. cap. xxiii.

---

[urn:nbn:de:hbz:466:1-63477](https://nbn-resolving.org/urn:nbn:de:hbz:466:1-63477)



Incendiarij ꝛ ecclesiarum, vel monasterio-  
rum, vel piorum locorum sunt excommuni-  
cati ipso iure excommunicatione Episcopali;  
sed post denuntiationem sunt excommu-  
nicati excommunicatione Papali, de senten-  
excommun. tua nos.

Effractores cum spoliacione ecclesiarum, vel monaste-  
riorum, vel piorum locorum ante denuntiationem sunt  
excommunicati excommunicatione Episcopali; post de-  
nuntiationem vero Papali. Ibidem.

Dantes licentiam offendendi, vel grauandi eos, qui sen-  
tentias excommunicationis, vel interdicti rulerunt cōtra  
quemcunque, nisi sententiam ipsam re integra reuocauer-  
int, vel si ad bonorum captionem processum fuerit, nisi  
infra octo dierum spatium omnia restituerint, vsq; ad du-  
os menses est Episcopalis; & exinde Papalis.

Item qui tali sententia data vti ausi fuerint.

Item qui motu proprio aliquid præmissorum commi-  
serit, est Episcopalis, vel Papalis, vt supra, de sent. excom-  
mun. quæcunque.

Item absoluti à sententia excommunicationis ratione  
periculi alicuius, si post periculum non repræsentant se il-  
li, qui potest eos absolvere, in eandem sententiam incidūt  
Papalem, vel Episcopalem.

Participantes in crimine cum excommunicatis, aliquan-  
do sunt excommunicati excommunicatione Papali, ali-  
quando Episcopali, secundum quod excommunicatio fue-  
rit Papalis, vel Episcopalis.

## DE PRAESTANTIA SANCTIS-

*simorum Episcoporum. Cap. XXIII.*

### S V M M A R I V M.

- 1 Beneficiatus ab Episcopo compelli potest, vt beneficij sui titu-  
lum ostendat.
- 2 A correctione Episcopi an possit appellari.
- 3 Qualiter Episcopus à clero, & populo suam ingreditus ciuita-  
tem suscipi debeat.

M

4 Pro.



- 4 Prohibitum est Episcopo cum mulieribus conuersari.
- 5 An possit Episcopus matrem suam, vel aliam suspectam secum habere.
- 6 Ludere an debeat Episcopus.
- 7 De qualitate mensæ & piscopi de victu etiam, atque vestitu.
- 8 Episcopus habens iurisdictionem temporalem causas sanguinalis ei committit.
- 9 Episcopus an esse possit consiliarius Principis secularis, & Papa.
- 10 Potest Episcopus parochiales ecclesias facere conuentuales, & missine.
- 11 Nomina clericorum, qui in ecclesia Christi deseruiunt.
- 12 An possit Episcopus corpus usurarij defuncti sequestrare, & peliatur.
- 13 Qualis esse debeat Episcopi correctio, verbalis, an realis.
- 14 Non ad credendum facilis, nisi prius veritate inspecta.
- 15 De relictis ad pium usum regulariter quarta pars debetur Episcopo.



Beneficiatum potest compellere Episcopus, ostendat titulum sui beneficij. Felin. in c. cet Heli, de simo. & doct. in c. j. de reg. iur. vj. Et potest Episcopus clericum capere ex c. sa, c. dilectis filiis, de appel. Et per doct. in c. deposito. vbi dicunt, quod clericus potest carcerari, & torturæ subijci. Et ibi notatur, quod clericus carcerari potest non solum cum agitur de crimine criminaliter, vt in c. si clericus, de sentent. excommun. lib. vj. sed etiam cum agitur de crimine ciuilitur. Et Episcopus potest mittere suos clericos in exilium: nam poena exilij est approbata a iure canonico, vt per Panor. & docto. in cap. ad audientiam, de crimine falsi. Et est maior Episcopus in diocesi sua quocumq; Principe seculari illius diocesis. ita Panor. in c. omnes, de maior. & obedien. & in cap. soluite, eodem tit. Habet etiam Episcopus iurisdictionem in laicos, ad ipsos cogendum obseruare laudabilem consuetudinem ecclesie, vt per Panormita. in cap. ad Apostolicam, de monia.



Et notabis, quod in c. nisi cum pridem, de renunciatio-  
ne, Papa ponit sex causas, ex quibus episcopi possunt pete-  
re, & Papa consuevit concedere cedendi licentiam, scili-  
cet debilis, ignarus; malè conscius, irregularis, quem mala  
plebs odit, dans scandala.

† Sed an possit appellari à correctione episcopi, dic, vt  
per Panor. post Host. & Ioannem Andream, in c. licet, de  
offi. ordi. & vide Abba. in c. de priore, de appell. dicentem  
ex mente Hostiensis, quod si prælatus corrigens subditū,  
eodem peccato æquali, vel maiori notorie detinetur, po-  
test ab eo appellari. dicit idem etiam Panor. in c. intellexi-  
mus, de adulterijs. † Episcopus creatus, confirmatus, con-  
secratus, cum ciuitatem suam ingredi debet, clerus, & po-  
pulus processionaliter, & honorifice eum suscipere de-  
bent, cum episcopi vice Christi fungantur in terris. c. o-  
mnis qui vij. q. j. vbi legitur: Qui enim persequuntur do-  
minos episcopos, non eos tantum persequuntur, quantum  
Dominum nostrum Iesum Christum, cuius legatione fun-  
guntur, similis text. est in c. in nouo testamento, xxj. dist.  
vide etiam de hoc Spe. in tit. de legatio. in §. sequitur vide-  
re. Et monachi debent ire processionaliter cum clero ob-  
uiam episcopo secundum Bald. in l. fin. C. de bo. liber. alle-  
gat Oldra. super hoc consultus ab Archiepiscopo de Ra-  
uenna. † Nec potest episcopus cum mulieribus conuersa-  
ri: docto. in l. cum qui. C. de epif. & cler. lxxxj. distinct. c.  
in omnibus, c. sequent. & per totum. Vnde Hieronymus,  
hospitiolum tuum aut raro, aut nunquam mulierum pe-  
des terant; quia non potest toto corde cum Deo habitare,  
qui foeminarum accessionibus copulatur. c. hospitiolum.  
xxxij. dist. Propterea fertur Augustinum noluisse habitare  
cum sorore, c. legitur, lxxxj. distinct. dicens: Quæ cum so-  
rore mea sunt, sorores meæ non sunt. Idem probatur dist.  
xxxiii. c. j. Quod intellige, si soror esset malæ famæ, vt in  
c. à nobis, de coha. cler. & mulie. c. volumus, lxxxj. dist. no.  
in c. cum in iuuentute, de præsumpt. & c. foeminas, & cap.  
cum omnibus, lxxxi. distin. † Sed dubitatur de episcopo, si  
nunquid possit secum habere matrem suam, seu aliam nõ  
suspectam, Anto. in c. j. de coha. cle. & mul. dicit, quod nõ.

M

Pauer;



Panor. tenet ibi oppositum, sed fatetur, quod opinio Antonij est honesta; maxime propter alios clericos cum Episcopis morantes. Sed Episcopus non permittat mulieres cum clericis habitare, nisi forte tales sint, cum quibus naturale fœdus nihil seui criminis suspicari permittat, vti c. 2. nobis. & ibi Panor. de cohabitatio. cler. & mulie. Et in Nicæno Concilio fuit prouisum; Non habitent cum clericis mulieres, nisi quæ naturali fœdere omnem suspicionem excludunt. c. interdixit, xxxij. distinct. Sed sacerdotes Græci non ligantur, quia ista lex non erat de necessitate salutis; & non fuit recepta ab ipsis Græcis per longa tempora, Papa sciente, & non puniente. Panor. in c. cum olim, de clericis coniugatis. Et ibi dicit Panor. an ecclesia possit statuere, quod clericus possit contrahere matrimonium; ibi videbis. Et quia Papa non reprobatur consuetudinem ecclesiæ, quæ est talis, ideo non est hæretica: vide docto. & glo. in c. de libellis. xx. distinct. † Et Episcopus etiam non debet ludere, vt in authent. interdiximus. C. de Epil. & cler. c. Episcopus. xxx. distinct. & ludus scacchorum est prohibitus etiam, iudicio meo, licet multi teneant contrarium; sed per illum ludum Episcopi possunt abstrahi à diuinis, ergo prohibitus. Si fuerint ludi noxi vitandi sunt, sicut taxillorum, vt c. clerici, de vita, & honestate cler. Crimina ex ludo oriuntur, Hosti. in summa, in tit. de excessibus prælatorum. & de ludo vide infra in isto Spec. lxij. §. de ludo. Et debet Episcopus prohibere ludos in conuiuijs suis, & Cantilenas decantari, & laruis adesse, per 7 tex. no. in c. nullus presbyterorum, de conse. dist. v. † De qualitate verò mensæ Episcopi dico, quod in principio debet fieri benedictio, & in fine actio gratiarum, vt in c. non liceat, xliij. distinct. Item debet lectionibus vti sacrarum scripturarum, vt euitentur confabulationes, & animæ edificent ad bonum, vt in c. pro reuerentia, xliij. dist. Nec epulis lautius longo libore quæ sitis vti, ne videantur imitatores Christi, & pauperis esurientis, & nudi. c. ecclesiæ principes. xxxv. distinct. vbi legitur: Si in Apostolorum locolumus, non solum sermonem eorum imitemur, sed etiam conversationem, & abstinenciam. Nec debet Episcopus con-

uiuijs



uiujs inuigilare. xliij. dist. c. multis. Item debet habere  
Episcopus suppellectilem mensæ vilem, victumque pau-  
perem, c. Episcopus, xlj. distin. cum glo. quæ dicit, de con-  
suetudine non seruari. vbi dicit tex. Episcopus vilem sup-  
pellectilem, & mensam, at victum pauperem habeat, & di-  
gnitatis suæ autoritatem, fidei, & vitæ meritis quærat. Po-  
test Episcopus vti vestibus secundum consuetudinem re-  
ligionis, ne vilescat dignitas. Item debet vti vestibus desu-  
per clausis, non tamen de pannis rubeis, vel viridibus. Sed  
non potest Episcopus vti vestibus laicorū; nec extra domū  
ire habet sine proprio habitu, c. Episcopi. xxj. q. iij. & c. sine  
ornatu. & c. sequen. Sed Episcopus non potest interesse  
causæ sanguinis, c. clericis, c. sententiam, ne cler. vel mona.  
c. ex literis, de excels. præla. c. in Archiepiscopatu, de rapto.  
c. conquestus, de foro compet. tenet Spe. in titu. de iurisd.  
omnium iudi. §. fin. vers. & nota, quod Episcopus. Et ideo  
† Episcopi habentes iurisdictionem temporalium, com-  
mittunt laicis causas sanguinis, vt dicunt canonistæ. Et  
quia excedunt prælati multoties, vide docto. in tit. de ex-  
celsibus præla. Et an Episcopus sit irregularis, si de facto  
compareret in causâ sanguinis, quæ vertitur coram iudice  
suo, vide Spe. in tit. de dispensa. §. iij. & si prælatus proce-  
dit in causâ sanguinis, non valet processus. Felin. in c. si  
quando, de rescript. vide Ripam in c. ij. de iudi. num. 45. Et  
an Episcopus vnus debeat alterum honorare, secundum  
dignitatem ecclesiæ, notatur in c. si forte, de electio. in vj.  
& vide tex. in c. quanquam, & c. puto, ij. quæst. vij. quia E-  
piscopi licet pares sint meritis, gradu tamen differunt di-  
gnitatis, vt in d. c. puto. Et nota, quod cæteris paribus de-  
bet conferri prius in ordine Episcopatus ei, qui plus alijs  
laborabit per ecclesiam Dei, vt de maio. & obed. c. j. xliij.  
dist. c. Episcoporum, lxxv. distin. c. fin. & Iacobus maior  
dictus est, quia adhæsit prius Domino, licet postea natus  
fuerit quam Iacobus minor, vt legitur in historia schola-  
stica. Quod verum est, nisi sit Metropolitanus, vel alius su-  
perior, vt per glo. in c. fin. xvij. distin. Et vtrum Episco-  
pus possit arma suscipere, vel mouere, dic, vt dicemus in-  
fra in c. de bello. Item dicunt doctores, † quod Episcopus 9  
potest



potest esse consiliarius Principis secularis, vel Papæ; sed male dicunt, quia residentia episcopi est de iure diuino, ut dixi pluries, & videbis supra in c. nono. & ideo episcopus non potest in Cardinalem promoueri, c. bonæ memoriæ, il j. de postul. prælat. Et an clericus possit esse legatus Principis secularis, respondeo, quod sic, c. cum parati, & ibi docto, de appell. vide docto. in authen. habita. C. ne fil. præpatre. Et episcopus potest excommunicare Principem laicum suæ diocesis, glo. in c. omnes, d. maio & obediens. docto. in c. duo sunt, xvj. distinct. Sed debet episcopus mitius agere cum Principe, quam cum alijs, ut in c. de rebus, xij. quæst. ij. Et de episcopo legitur in Apocalypsi, c. j. septem stellæ angeli sunt septem ecclesiarum. i. episcoporum ipsarum, unde angelus, qui interpretatur missus, est nomen episcopalis officij, ut ibi per Lyram, & docto. Legitur etiam in Apocalypsi c. ij. & angelo Ephesi ecclesiæ scribe. i. eius episcopo. & dicunt communiter expositores, quod iste fuit Timotheus Pauli discipulus, quem constituit episcopum ecclesiæ Ephesinæ. Sed Ioannes erat super omnibus episcopis Asiæ, cuius ecclesias fundauit, & erexit, ut habetur in libro virorum illustrium; tamen communiter monebat Ephesi. Et episcopus est iudex inter laicos ratione peccati. Ioan. And. in c. fin. de foro compet. in vj. notatur in cap. nouit, de iudi. Quod est verum inter contrahentes laicos, non inter hæredes. Bald. in authen. sacramenta peborum. Item verum est etiam in causa feudali propter sacramentum fidelitatis, Bald. in l. liberti. C. de ope. liber. vlt. colum. & in c. ij. de except. in vj. vbi not. quod episcopus est iudex inter laicos ratione peccati, & in c. mulieri, de rei iuran. & in c. exterum, de iudi. & in c. verum, de fo. compet. Item contra raptores, vel furem rei ecclesiæ, c. fin. de fo. compe. c. si quis. j. c. si quis, ij. xxiiij. q. iij. Et episcopus debet instituere, vel confirmare presentatum a patrono ecclesiæ, si reperit eum esse idoneum, c. monasterium, c. de cernimus, xvj. q. vij. Inno. & docto. in c. Bertoldus, de rei iudi. & vide not. in c. ex frequentibus, de instir. † Et episcopus potest ecclesias parochiales facere conuentuales, secundum Abba. anti. in c. cum venissent, de constit. refer.



Bal. in marga. in verbo, episcopus. Et episcopus, seu sacerdos non possunt dimittere Missam inchoatam imperfectam sine causa necessaria, c. nihil, vij. q. j. c. nullus episcopus, de conse. dist. j. dicitur enim Missa imperfecta antequam detur benedictio, c. missas, de consecr. dist. j. & episcopus excommunicatus potest conferre sacros ordines, c. ab excommunicatis, c. ordinationes, ix. q. j. & de hoc ibi videbis. Et episcopus potest repetere clericum sibi subditum ab alio derentum, c. dilectis, de appell. & ibi doct. c. si iudex laicus. & ibi glos. de sent. excom. an. vj. Est verum etiam inuitum quem defendere, & repetere potest, etiam a iudice laico, secundum Bal. in l. j. ff. de rei vendi. Bart. in l. precepit. C. de cano. largit. tit. lib. x. Et clerici exempti sunt a iurisdictione laicorum de iure divino, docto. in c. soluite, de maior. & obedien. & ibi Panor. & vide in c. de ecclesiastica libertate. f. Et clerici nuncupantur generaliter omnes, qui in ecclesia Christi deseruiunt, quorum nomina sunt hæc, ostiarius, psalmista, lector, exorcista, acolitus, subdiaconus, diaconus, presbyter, Episcopus, vt in c. clericos, xxj. dist. Et clerici in quibus casibus subijciantur laicis, vide Imolam in Clement. ij. de electio. Sed mulier commiscens se clerico, subijcitur foro ecclesiastico. Abbas in c. clericos, de cohabita. cler. & mulie. Et de exemptione clericorum vide infra in titu. de ecclesiastica libertate. Et ciuitas potest ciuem suum ab alio derentum repetere, glos. in authen. de manda. prin. colla. iij. §. patrocina, vide glo. & doct. in d. c. si iudex laicus. notant Bart. & docto. in d. l. precepit. ff. de rei vendi. vbi dicunt, quod villa habens massarios obligatos ad onera, potest eos vendicare, l. de iure, ad municipa. l. ano. & Imo. in d. c. dilectis. Sed si clericus incarceratur ab Episcopo, & moriatur in carcere, Episcopus non efficitur irregularis, secundum Bal. in l. j. in fi. C. qui ad liberta. peruen. non poss. & plenè in l. pen. C. ad leg. Aquiliam, vbi dicit verum, nisi ponatur in loco arcto, vbi aciem carceratus non videat. Et episcopus in quolibet loco diocesis per se, & per alium potest pro tribunali sedere, & liberè exequi, quæ ad ipsius spectant officium, c. cum episcopus, de offi. ordinari. in vj. vbi dicit glos. quod manus injicere



in aliquem non debet Episcopus per text. not. in c. non liceat, lxxxvj. distinct. & de ipsius mandato capiētes excommunicati non sunt, c. vt famæ, de sentent. excommun. & c. si clericos. Et capiētes clericum de mandato Episcopi in excommunicationem non incidunt, glo. in d. c. cum Episcopus. Et de his vide Panor. in d. c. vt famæ. & laici sine licentia Episcopi possunt capere clericum, ne fugiat, vt presentent iudici suo, & sic ad bonum finem. Idem in familia potestatis, quæ potest capere clericum inuentum de nocte, cum sit præsumptio fraudis. ita (vt dixi) Panor. in d. c. vt famæ, de sentent. excommun. late in c. cum non ab homine, de iudi. Sed si Episcopus non habet clericum, vt berat per se, glo. & docto. in d. c. non liceat. Et Episcopus Romæ, vel in curia Papæ potest ordinare sibi subditum ita Abb. anti. in c. omnibus, de appellatio, sequitur Bal. in marga. vers. Episcopus vero. Et vtrum Episcopo credatur de clerico suo, quem forte repetat à iudice laico, & asserat eum esse clericum. Respon. sic; si per literas suas facit eisdem de clericatu, vel si pronunciauit eum esse clericum, non autem literis testimonialibus, secundum Bald. in l. qua per calumniam. C. de Epis. & cler. vbi vide; & etiam dicit credi probationibus de clericatu factis coram Episcopo, qui debet de questione incidenti clericatus cognoscere. Et ibi dicit, quod familia potestatis potest capere clericum inuentum in rixa: & interim iudex laicus detinere non debet innouare contra detentum, vt ibi per Bald. & nota. in c. si iudex de sentent. excommun. in vj. Debet autem iudex statim remittere, si captus incedens in habitu, & tonsura allegat se clericum; alias non, nisi causa cognita de clericatu, d. c. si iudex. & Bald. vbi supra. Cum vero remittitur ad Episcopum, debet remitti sub fida custodia Angel. in l. eos. §. super his. C. de appell. & scias, quod clericus ioculator, vel buffonus, qui per annum artem illam exercuit, & tertio monitus non destitit, vel si est clericus vxoratus non incedens in habitu, & tonsura, vel bigamus, vel degradatus, qui omnes non gaudent priuilegijs; non est ad Episcopum remittendus, de vita, & honesta. cler. c. j. in vj. de cler. coniug. c. j. de biga. c. j. de pœnitent. c. si, in vj.



Et ita tenet glo. ord. in d. c. si iudex. & Episcopus potest agere per iniuriam illatam suo vicario, vel subdito. Ita Inno. in c. dilectis, de appella & ibi docto. in c. contingit, de sentent. excommun. Ioan. Andr. in c. ad Apostolicam, de re iudi. Quod est verum, si iniuria fuit facta in contumeliam Episcopi, alias non, secundum Bart. in l. j. §. fin. ff. de iniur. Idem in ciuitate, vel domo, vt agere possit pro iniuria illata ciui, vel subdito suo, vel officiali, Barto. vbi supra, & Inno. in d. cap. dilectis. † An Episcopus possit sequestrare corpus vsurarij defuncti, ne sepeliatur quousque hæredes caueant de vsuris restituendis? Respon. quod sic, vt tenet Angel. in authen. vt defun. seu fun. co. colum. v. Accessio, rie hoc infero, quod cadauer debitoris non potest a sepultura suspendi, vel sequestrari ad instantiam creditorum, in authent. vt cum de appell. cogno. §. meminimus. nec potest appellari, vt quis non sepeliatur. ita Spe. de appel. vers. vij. §. ij. Cadauera enim sepultura interdici regulariter non possunt, nisi in casibus expressis in iure. quibus adde, quod occidens seipsum carere debet ecclesiastica sepultura, xxv. quæst. v. placuit; & ibi gl. dicit, quod debet ei concedi canina sepultura. Et tenet glo. in c. ex parte, de sepul. secus si casualiter se perimat, d. c. ex parte. † Et qualis correctio debeat per Episcopum fieri de rixis, vide tex. in c. j. ij. iij. xlv. distinct. vbi dicitur, quod correctio potius verbalis sit, quam realis. ibi videbis, vbi dicitur, non seueritate, sed beneuolentia subditos prælati corripiant. & ibi dicit glo. semper iudex potius sequi debet misericordiam, quam iudicium; vel æquitatem, quam rigorem, c. non satis, lxxxvj. distinct. Et corrigere est superioris, Cardi. post glo. in Clemen. ij. §. notarij, de hæret. Et vid. gl. in c. irrefragabili, de offi. ordina. Et correctio excessiua an patitur appellationem, vide Spe. in tit. de inquisitione. §. viso igitur, vers. quid si prælatus, dicit, nec valeat appellatio interposita, ne inquiratur contra eum, vel ne visitetur; vel ne corrigatur. Et soli Episcopi exequuntur canones circa correctionem clericorum, vt in Clemen. j. de vita, & hone. clericorum; Et ibi Cardi. enumerat xiiij. priuilegia clericorum. Sed priuilegium clericorum consistit in duobus;

M

pri-



primo, quia non possunt vexari in persona, nec in rebus. C. de Episco. & cler. l. ij. & de immunitate ecclesiarum, per totum. Secundo gaudent priuilegio canonis, c. si quis suadente, xvij. q. iij. & vide Cardi. in Clem. perpendimus, de sent. excommun. Et priuilegium clericorum in veteri lege incepit à Rege Aegypti, Genes. xlvij. vbi dicitur, quod ab eo tempore vsque ad presentem diem in vniuersa terra Aegypti Regibus quarta pars soluitur absque terra sacerdotali, quæ libera erat: & habetur in c. non minus, de immunitate ecclesiarum. In noua lege ab Imperatoribus. C. de sacrosan. eccles. l. ad instructiones. & l. plarumque, de cens. c. j. Et idem est priuilegium clericorum, & ecclesiarum. Cardi. in d. c. Clem. j. † Sit tamen prudens Episcopus, vt statim non credat, sed veritatem prius inquirat, nec à correctione incipiat, c. si quid vero, lxxxvj. dist. Illud tene menti, quod potest Episcopus excommunicare subditum alterius Episcopi ob praedam factam in diocesi excommunicantis, vel alibi factam in illius diocesi adductam, c. vlt. iij. q. vj. c. j. de rpto. Et Episcopus punit etiam exemptum, delinquentem in sua diocesi per dicta iura, & c. ad abolendam, de haret. vbi dicitur, quod nullum priuilegium iuuat delinquentem, & de priuil. & excel. priuil. c. tuarum, quia ratione delicti pditur priuilegiū c. priuilegiū, xj. q. iij. vbi dicitur: Priuilegiū omnino meretur amittere, qui permissa sibi abutitur potestate. Et Episcopus debet tueri implorantes auxilium suum, & ecclesie, scilicet viduas, & pupillos, lxxxvij. distin. per totum. Et ecclesia succedit Episcopo, xij. q. vlt. c. fin. c. j. de success. ab intest. & ibi vide doct. & de hoc vide ea, quæ supra dixi.

† Scias autem, quod quarta pars regulariter debetur Episcopo de relictis ad pium vsum: probatur x. q. j. c. de his, & c. antiquos, xij. q. ij. c. vobis, c. vulturanæ, & c. cōcesso, c. quatuor, c. de redditibus, & c. cognouimus, xvj. q. j. c. constitutum, & c. ad hoc, de offi. ordi. c. conquerente, de testa. c. officij, c. requisisti. & ibi doct. post Inno. c. fin. de success. ab intest. c. de quarta, de præscrip. Quæ pars Episcopo debetur ex l. dispositione, secundum Inno. in c. j. de sta. mon. Debetur etiam in compensatione onerum, quæ suffert à

fin.



singulis ecclesijs, hoc verum, nisi consuetudo aliter se habeat. Sed plures sunt casus, in quibus quarta non debetur Episcopo, videlicet de relicto facto vni ex fratribus minoribus. Bal. in l. si quis ad declinandum. §. in omnibus. C. de Epis. & cler. & ibi videbis multa de hoc. & per Pau. & doct. in l. id, quod pauperibus, eo. tit. & vide Rom. in auth. similiter, ad leg. Falcid. sed attendenda est consuetudo loci, quæ multum operatur. Et de hoc vide Gratum in respons. cxlij. in ij. par. Et ex diuturnitate temporis præsumuntur omnia solennia interuenisse. Gratus vbi supra. & vide Alex. in cons. cccix. in vj. par. & vide docto. in l. qui in aliena. §. interdum. ff. de acqui. hare. Item contra sortilegos per viam inquisitionis procedunt. & de sortilegis vide tractatum Pauli in v. volum. tractatum, in fol. 234. & vide infra in isto Spec. c. lxij.

**AN RES ECCLESIAE POSSINT ALIENARI,** & aliqua da Reuerendissimis dominis Cardinalibus. Cap. XXIIII.

**S Y M M A R I V M.**

- 1 Res ecclesie an sine capituli consensu ab Episcopo alienari possunt: fallit nisi aliter consuetudo se habeat. & num. 2.
- 2 Hodie de iure canonico alienatio rei ecclesie aliam requirit solennitatem, quam de iure civili inductam, fallit in alienatione rerum ecclesiasticarum fratrum Predicatorum sancti Domini, necnon fratrum sancti Augustini & me. 4. 5.
- 3 Prelatus administratione priuandus est, qui sine solennitate res ecclesie distrahit.
- 4 Pontifex an possit sine Cardinalium consensu ecclesie ciuitates in feudum dare, & quid de castris, & alienatione rerum cuiuscumque ecclesie. & num. 8.
- 5 Soli Pontifici facultas data est, laico temporalem iurisdictionem concedendi.
- 6 Solus Papa an possit sine Cardinalibus ardua negotia gerere.
- 7 Episcopi quo ad ordines Pape sunt æquales, remissiuè.
- 8 Characteris impressio in septem ordinibus fit, & quid sit character.